



City of Seattle

Sweetened Beverage Tax

Taageerida cunto caafimaad leh iyo kobaca iyo caafimaadka caruurta



Lagasoo bilaabo 2018, Seattle waxay billoowday inay canshuur ka qaado cabitaanada sonkorta leh ee laga bixiyo gudaha magaalada (**Xeerka 125324**). Sweetened Beverage Tax (SBT, Canshuurta laga qaado Cabitaanka Sonkorta leh) maaha canshuurta iibka ee tooska looga jaro macaamiisha. Taas badalkeeda, canshuurtaan (oo dhan 1.75 senti halkii ounce-ba) waxaa laga jarayaa dadka iibiya wax soosaarka waxyaabaha sonkorta leh ee ay ku iibiyaan Magaalada Seattle gudaheeda.

Maxay magaalada Seattle canshuurtaan usoo rogday?

Canshuurta waxaa loogu talagalay in kor loogu qaado caafimaadka dadka reer Seattle ayadoo la yaraynaayo iibabka iyo isticmaalida cabitaanada sonkoraysan. Intaa waxaa dheer, dakhliga kasoo xarooda canshuurta waxaa ugu horreyn loogu isticmaalaa si loogu taageero helitaanka cunto caafimaad leh, kobaca caruurta, iyo barnaamijyada waxbarashada dhallaanka. Daraasad ayaa muujinaysa in cabitaanada sonkorta leh ay keeni karaan cayil muddo fog jira, taasoo kor uqaadi karta halis ah in ay dadka ku dhacaan **nooca 2-aad ee sonkorowga, dhiig karka**, iyo xanuunka wadnaha. Cabitaanada sonkorta leh waxay sidoo kale keenaan bololka ilkaha. Dhalada ay kujiraan 20-ounce oo soodhada ah waxaa kujiri kara wax kabadan 15 qaado oo sonkor lagu daray iyo in kabadan 250 kaloriyo ah oo aan lahayn nafaqo fiican.

20 OZ OO SOODHO AH waxaa kujira

15



oo qaado shaaha ah

oo sonkor lagu daray ah iyo

250

kalooriyo aan nafaqo lahayn

CABITAANADA LA CANSHUURAAAYO



Soodhada Caadiga ah



Cabitaanada Miraha laga sameeyay



Cabitaanada tamarta iyo kuwa isboortiga



Biyaha la macaaneeyey



Qaxwaha iyo Shaaha Sonkorta leh



Sharoobooyinka iyo qasqasyada

CABITAANADA LAGA DHAAFAY CANSHUURTA



Caanaha oo ay kujiraan kuwa dhirta laga keenay



Cabitaanada sonkorta yarta ah leh



Cabitaan shiidan 100%



Biyaha Dhalada kujira



Cuntooyinka ilmaha



Cabitaanada khamriga

Lagu daray kuwa budada iyo qasqasyada ay qastaan maacaamiishta caba, iyo cabitaanada loo adeegsado arrimaha caafimaadka.



KALIYA 1-2 QASAC

oo ah soodho maalintiiba

WAXAY KOR UQAADAYSAA HALISTA sonkorowga nooca 2 aad

26%

Xagee lagaynayaa lacagta?

Waxaa kor kala socda **Sweetened Beverage Tax Community Advisory Board (Guddiga La-talinta Bulshada ee Canshuurta laga qaado cabitaanka Sonkorta leh)**, dakhliga waxaa loo adeegsadaa in lagu taageero barnaamijyada kordhinaya helitaanka cunto caafimaad leh iyo kor uqaadida caafimaadka caruurta, kobcinta, iyo udiyaar garoowga dugsiga. Macluumaad faahfaahsan, eeg **Seattle Municipal Code 5.53.055 (Xeerka Degmada Seattle 5.53.055)**.

Helitaanka Cuntada

61%



Kordhinta helitaanka loo siman yahay ee cuntada nafaqada leh iyo cabitaanada

Dakhliga kasoo xarooda SBT wuxuu taageeraa bangiyada cuntada, barnaamijyada cuntada iyo adeegyada cunto gaarsiinta ee qoysaska, dadka da'da ah, iyo shakhsiyaadka wajahaya cunto yarida. Maalgalintu waxa ay sidoo kale gaartaa barnaamijyada bixiya miraha iyo khudaarta cusub, dhaqan ahaan habboon, oona kabaxay deegaanka kuwaas oo siiya dhallinyarada kujirta xarumaha bulshada, daryeelka ilmaha, xanaanada caruurta ee dugsiga kahor, iyo dugsiyadaba. **Fresh Bucks (Kabista Iibsiga Cunto Dheeraad ah)**, waa barnaamij ka caawiya dadka reer Seattle oo haysta miisaaniyad yar inay awoodaan soo iibsiga cunto caafimaad leh, ayaa ay sidoo kale taageertaa canshuurta.



Horumarinta caafimaadka iyadoo loo marayo mashruucyo ay hoggaamineyso bulshada

Dadaalada badankooda oo ay maalgalisay dakhliga kasoo xarooda SBT waxaa hoggaamiya dadka ay sida aadka ah u saamaysay sinnaan la'aanta cuntada iyo caafimaadka: Dadka Madawga ah, Dadka Asalka ah, Dadka Aan Caddaanka Ahayn, soo galootiga, qaxootiga, dadka dhaqaalahoodu hooseeyo, dhallinyarada iyo waayeelka. Dadaaladaan waxaa kamid ah barnaamijka deeqda bulshada ee **Food Equity Fund (Sanduuqa maalgalinta Sinaanta Cuntada)** oo ah **ol-ole warbaahineed oo dhalinyaradu hogaaminayaan** si loo horumariyo cabitaanka biyaha, iyo ku rakibidda xarumaha buuxinta dhallooyinka ee kuyaala Dugsiyada Dadwaynaha ee Seattle, iyo xeeladaha kala duwan oo kor u qaadaya helitaanka cunto iyo cabitaano caafimaad leh, oo dhaqan ahaan habboon.

Sanadkii 2021 Sweetened Beverage Tax waxa ay bixisay

\$20.3M

ee loogu talagalay barnaamijyada iyo adeegyada kordhinaya helitaanka cunto iyo cabitaan caafimaad leh oona taageeraya kobaca iyo waxbarashada hore ee dhallaanka.

Caafimaadka Caruurta iyo Waxbarashada Dhallaanka

39%



Kordhinta helitaanka loo siman yahay ee daryeelka caruurta oo tayo sare leh

Dakhliga kasoo xarooda SBT waxa uu ballaarinayaa **barnaamijka kabitaanka ka almada daryeelka caruurta** ee loogu talagalay qoysaska shaqeeya, taageeridda bixiyayaasha **Family Child Care (Barnaamijka Daryeelka Caruurta ee Qoyska)** ee yar iyadoo loo marayo booqashada guryaha, qaybaha tababarka, iyo ka caawinta farsamooyinka, iyo siinta latalin caafimaad iyo tababarka si ay u caawiyaan kor uqaadida tayada daryeelka ilmaha iyo dhallaanka.



Maalgalinta caafimaadka iyo horumarka caruurta

Sanadkii 2021, Magaalada Seattle waxa ay billooday barnaamijkeedi abid ugu horreeyey ee **Prenatal-to-Three Community Grants Program (Barnaamijka Deeqda Bulshada ee Loogu Talagalay Hooyooyinka Uurka Leh ilaa ilmuhu Kagaaraan Saddex Sano)** oo leh dakhliga SBT. Dakhligu waxa uu sidoo kale taageeraa barnaamijyada bixiya baaritaanada kobaca iyo taageerada daaweynta, sida barnaamijka Developmental Bridge (Buundada Horumarka) ee loogu talagalay ilmaha leh dhibaatooyinka kobaca ama xubin qoyska ah oo qaba naafonimo.

